

## **ქ. ბათუმის მუნიციპალიტეტის მერიის საქმიანობის 2023 წლის ანგარიში**

### **შეხვედრები დიპლომატიური კორპუსის წარმომადგენლებთან**

#### **2023 წლის განმავლობაში ოფიციალური შეხვედრები გაიმართა:**

ევროკავშირის, საფრანგეთის, გერმანიის, ნიდერლანდების, დიდი ბრიტანეთის, ლატვიის, რუმინეთის, იაპონიის, ისრაელის, ბრაზილიის, არაბთა გაერთიანებული საემიროების, ყაზახეთის, ირანის, მონტენეგროსა და სომხეთის ელჩებთან და კონსულებთან.

საქართველოში გაეროს მუდმივ კოორდინატორთან საქართველოში საბინე მახლთან, გაეროს ბავშვთა ფონდის (UNICEF) წარმომადგენელთან საქართველოში დასან ხალილთან, ევროპის რეგიონთა ინსტიტუტის ინსტიტუტის (IRE) პრეზიდენტთან დოქტორ ფრანც შაუსბერგერთან, UNDP-ის სტამბოლის რეგიონულ მენეჯერთან თინა სტოუმსთან, ევროკავშირის ელჩ პაველ ჰერჩინსკისა და გაეროს განვითარების პროგრამის (UNDP) წარმომადგენლებთან და ადგილობრივ სტარტაპებთან, ისრაელის კულტურისა და სპორტის მინისტრ მახლუფ მიკი ზოჰართან და ისრაელის საგანგებო და სრულუფლებიან ელჩთან საქართველოში ჰადას მეიცადთან, თურქეთის მთავარ ომბუდსმენ შერეფ მალკოჩთან, საქართველოში გაეროს ბავშვთა ფონდის (UNICEF) წარმომადგენელ იესპერ მოლერთან და ევროპული ასოციაცია ადგილობრივი დემოკრატიისთვის (ALDA) გენერალურ მდივან ანტონელა ვალმორბიდასთან.

შედეგ ვიზიტი ბრიუსელში გაეროს განვითარების პროგრამის წარმომადგენლობის ოფისსა და სტრასბურგში, ევროპის საბჭოს ადგილობრივ და რეგიონულ ხელისუფლებათა კონგრესის 44-ე პლენარული სესიაზე დასწრების მიზნით.

## **2023 წელს ოთხ ქალაქთან გაფორმდა დამეგობრების მემორანდუმი:**

- ლუგანო - შვეიცარია
- ბარი - მონტენეგრო
- სიანიანი - ჩინეთის სახალხო რესპუბლიკა
- კესტჰეი - უნგრეთი

## **საერთაშორისო აღიარება**

პრესტიჟულმა ბრიტანულმა ონლაინ გამოცემა The Independent-მა ბათუმი ზაფხულის 10 საუკეთესო ტურისტულ მიმართულებას შორის დაასახელა.

ბათუმმა World Travel Awards-ზე ევროპის სწრაფად მზარდი ტურისტული მიმართულების ჯილდო მოიპოვა

## **თანამშრომლობა საერთაშორისო და ადგილობრივ ორგანიზაციებთან**

ბათუმს „ბავშვზე მორგებული ქალაქის“ კანდიდატის სტატუსი მიენიჭა.

გაფორმდა მემორანდუმი USAID-ის ადგილობრივი მმართველობის პროგრამის მთავარ კონტრაქტორ Tetra Tech ARD-თან, რომლითაც განისაზღვრა სამოქმედო გეგმა მუნიციპალური სერვისების გაუმჯობესების, მოქალაქეთა ჩართულობის, საჭიროებების კვლევისა და განვითარების დოკუმენტების შემუშავების მიმართულებით.

გერმანიის საერთაშორისო თანამშრომლობის საზოგადოებასთან (GIZ) გაფორმდა მემორანდუმი ახალი პროექტის - „მდგრადი ურბანული განვითარება საქართველოში“ ფარგლებში.

მემორანდუმი ითვალისწინებს საპილოტე პროექტის განხორციელებას ურბანული ლაბორატორიის გზით, Mobility4Cities ფარგლებში მომზადებული „ძველი ბათუმის ფეხით გადაადგილების კონცეფციის“ დატესტვის მიზნით.

GIZ-თან თანამშრომლობა გაგრძელდება კიდევ ერთი ახალი პროექტის Conect Georgia-ს ფარგლებში. პროექტი ითვალისწინებს ტრანსპორტის სფეროში გამოცდილი ექსპერტების მხარდაჭერას ტექნიკურ საკითხებში და საპილოტე სატრანსპორტო ინფრასტრუქტურული პროექტის დაფინანსებას.

გერმანიის რეკონსტრუქციისა და განვითარების ბანკის (KfW) მხარდაჭერით ხორციელდება პროექტი „ენერგოეფექტური ღონისძიებები და ევროკავშირის ენერგოეფექტურ სტანდარტებთან დაახლოება საქართველოში“. პროექტის განხორციელების შედეგად ბათუმი ევროსტანდარტების შესაბამისი ენერგოდამზოგავი ტექნოლოგიებით აღჭურვილი საბავშვო ბაღების მქონე პირველი ქალაქი იქნება საქართველოში.

გაეროს მდგრადი განვითარების მიზნების (SDG) ნაციონალიზაციისა და პრიორიტეტიზაციის პროცესის ფარგლებში დამტკიცდა ბათუმის მუნიციპალიტეტის მდგრადი განვითარების მიზნების დოკუმენტი, რომელიც მოიცავს მდგრადი განვითარების სამ მიმართულებას: ეკონომიკურს, სოციალურსა და გარემოსდაცვითს.

შემუშავდა და დამტკიცდა „ბავშვზე მორგებული ქალაქის“ ინიციატივის (CFCI) სტრატეგიის 2023 წლის სამოქმედო გეგმა.

UNDP-ის მხარდაჭერით განახლდა ბათუმის მუნიციპალური ნარჩენების მართვის 2023-2027 წლების გეგმა.

ბათუმის მერია ჩაერთო USAID-ის ადგილობრივი თვითმმართველობის პროგრამაში, რომელიც მიზნად ისახავს მუნიციპალური სერვისების გაუმჯობესებას, ადგილობრივი საზოგადოების გაძლიერებას.

„მერები ეკონომიკური ზრდისთვის“ (M4EG) ფარგლებში, მუნიციპალური გარდაქმნის პორტფელის შექმნისა და დანერგვის მიზნით გაიმართა სტარტაპ ღონისძიებები:

- ბათუმის ტექნიკური პარკის პრეაქსელერაციის პროგრამის დემო დღე
- Co-working Friday - პრეაქსელერაციის დემო დღის მონაწილე სპიკერებთან შეხვედრა
- საქართველოს სტარტაპ სამიტი/სტარტაპების მსოფლიო ჩემპიონატის ეროვნული კონკურსი
- წარმატებული და ადგილობრივი სტარტაპერების შეხვედრა ფესტივალ ტურისტერის ფარგლებში
- ხორციელდება ახალგაზრდების, სტარტაპებითა და ინოვაციებით დაინტერესებული პირების, ადგილობრივი სტარტაპების ჩართვა პორტფელზე მუშაობისას.

**ბათუმის კომუნალური ინფრასტრუქტურის რეაბილიტაციის პროექტი - V ფაზა**

გერმანიის რეკონსტრუქციისა და განვითარების ბანკის (KfW) მხარდაჭერით, ბათუმის წყალმომარაგებისა და წყალარინების მიმართულებით დაიწყო V ფაზის განხორციელება.

პროექტის ღირებულება 80 მილიონ ევროს შეადგენს.

დაგეგმილია:

- ადლიის წყალარინების გამწმენდი ნაგებობის, ა და ბ სატუმბო სადგურების გაფართოება
- აეროპორტის, ინდუსტრიული და კახაბრის დასახლებების წყალარინების სისტემების მოწყობა
- ინჯალოს წყლის სამარაგო რეზერვუარის, წყალსადენის და სასმელი წყლის მკვებავი ხაზის მშენებლობა
- მეჯინისწყლის ჭაბურღილების წარმადობის გაზრდა
- ჩაქვისწყლის სათავე ნაგებობისა და ჩაქვის გადამცემი მაგისტრალური წყალსადენის რეაბილიტაცია
- ხელვაჩაურისა და აეროპორტის წყალმომარაგების ქსელის მოწყობა.

## **ბათუმის წყალი**

„ბათუმის წყალი“ ქალაქის ცენტრალური ნაწილისა და შემოერთებული ტერიტორიების მასშტაბით 127 ათასამდე აბონენტს ემსახურება.

გასულ წელთან შედარებით „ბათუმის წყალის“ აბონენტთა რაოდენობა გაიზარდა 11%-ით.

## **წყალმომარაგება**

წყალმომარაგების ახალ ქსელზე გადაერთო 8 196 ათასამდე აბონენტი. ტუქ. პირობით ქსელზე ახალი დაერთება განხორციელდა 365 აბონენტთან.

ინდივიდუალური აღრიცხვის კვანძები მოეწყო 695 აბონენტთან.

გამრიცხველიანდა 86 ახალი საცხივრებელი კორპუსი.

ახალ კორპუსში მოეწყო 7 136 მრიცხველი.

ბათუმთან შემოერთებულ ტერიტორიებზე მიმდინარე წელს მოეწყო 13 338,50 მ. ახალი გამანაწილებელი ქსელი.

ფერიის დასახლებაში შეიცვალა რეზერვუართან დამაკავშირებელი ქსელი და მოეწყო 260 მ. ახალი გამანაწილებელი ქსელი.

სამომავლოდ იგეგმება 10 ათასამდე აბონენტის ახალ ქსელზე გადართვა.

## **წყალარინება და სანიაღვრე ქსელები**

სამრეწველო ზონის მიმდებარედ წყალარინების მაგისტრალური ქსელის მოწყობა და სატუმბი სადგურების მშენებლობა დასრულდა.

პროექტი ე.წ. ოცნების ქალაქში მცხოვრები მოსახლეობისთვისაა გათვალისწინებული.

სამუშოების ღირებულება 5 მილიონ 800 ათას ლარს შეადგენს.

4257 გრძ.მ წყალარინების ახალი ქსელი მოეწყო 65 მისამართზე.

მოეწყო 2190 გრძ.მ. ახალი სანიაღვრე ქსელი.

60 მისამართზე განხორციელდა ტექ. პირობით დაერთება.

გაიწმინდა 75000 ერთეული სანიაღვრე ჭა.

გაიწმინდა 125000 გრძ.მ ღია სანიაღვრე არხი და 51631 გრძ.მ სანიაღვრე მილები ჭურვით.

## **ბიუჯეტი**

2022 წლიდან 2023 წლამდე ბათუმის ბიუჯეტი გაიზარდა 114 მილიონ 643 ათასი ლარით.

## **ინფრასტრუქტურის განვითარება**

საქალაქო ინფრასტრუქტურისა და კეთილმოწყობის სამმართველოს 2023 წლის ბიუჯეტი 160 011 200 ლარს შეადგენს.

2022 წლიდან 2023 წლამდე ბიუჯეტი გაიზარდა 41 მილიონ 823 ათას 200 ლარით.

## **მსხვილი პროექტები**

სამრეწველო ზონის მიმდებარედ 10-ამდე მთავარი და მეორეხარისხოვანი გზის მშენებლობა განხორციელდა. პროექტის ღირებულება - 13 მილიონ 549 ათასი ლარი.

მიმდინარეობს მამია ვარშანიძისა და ხახულის ქუჩების კეთილმოწყობა. პროექტის ღირებულება - 30 მილიონ 999 ათას 929 ლარი.

მიმდინარეობს გიორგი ლეონიძის, იმედაშვილისა და შავშეთის ქუჩების რეაბილიტაცია. სამივე პროექტის ღირებულება 20 მილიონ 825 ათას 613 ლარს შეადგენს.

სრულდება მუნიციპალური დროებითი ღამის თავშესაფრის რეკონსტრუქცია-რეაბილიტაცია.

## **ხელმისაწვდომი საცხოვრისი**

ხელმისაწვდომი საცხოვრისის, ე.წ. იაფი სახლის პროგრამის მეორე ეტაპზე აშენდა 4 ხუთსართულიანი კორპუსი.

ბინებით დაკმაყოფილდა 100 ოჯახი.

პროგრამის ფარგლებში, ჯამში 180 ოჯახი დაკმაყოფილდა.

პროექტის საერთო ღირებულება 13 მილიონამდე ლარს შეადგენს.

## **ბათუმი ავარიული სახლების გარეშე**

3000-ზე მეტი ოჯახისთვის უსაფრთხო საცხოვრებელი გარემო იქმნება.

უახლოეს პერიოდში 1000-ზე მეტი ოჯახი ბინით დაკმაყოფილდება.

ამ ეტაპზე, პროგრამაში მონაწილეობის მიზნით, ბათუმის მერიაში შემოსულია 450 განაცხადი.

207 სახლზე უკვე მომზადდა საექსპერტო დასკვნა.

ავარიულის სახლების მშენებლობა-რეაბილიტაციისთვის 100 მილიონი ლარი დაიხარჯება.

ახალი საცხოვრებელი სახლების მშენებლობა მიმდინარეობს 9 მისამართზე:

ს. ხიმშიაშვილის ქ. #94-96-ში, 26 მაისის ქ. #13-ში, კვინიტაძის ქ. #1,3,11-ში, ე.წ. შანხაის დასახლებაში (2 სახლი), ხინიკაძის ქ. #7-ში, მაიაკოვსკის ქ. #3ა-სა და გრიშაშვილის ქ. #9-ში.

სამშენებლო-გამაგრებითი სამუშაოები დასრულდა 6 მისამართზე, რითაც 500-ზე მეტი ოჯახისთვის შეიქმნა უსაფრთხო საცხოვრებელი გარემო.



## **გზების კაპიტალური მშენებლობა და რეაბილიტაცია**

გზების მშენებლობა და აღდგენა-რეაბილიტაცია განხორციელდა 209 ქუჩასა და მონაკვეთზე.

ბეტონის საფარის დაგების სამუშაოები განხორციელდა და მიმდინარეობს 74 მისამართზე.

კაპიტალურად შეკეთდა და რეაბილიტირდა ჯამში 247 712,35 კვ.მ ტერიტორია.

## **სანიაღვრე არხები და კომუნალური სისტემა**

სანიაღვრე არხებისა და კომუნალური სისტემების მოწყობა განხორციელდა 30-ამდე მისამართზე.

## **სტიქიის შედეგად მიყენებული ზიანის სალიკვიდაციო სამუშაოები**

სტიქიის შედეგად მიყენებული ზიანის სალიკვიდაციო სამუშაოები განხორციელდა 53 მისამართზე.

## **საბავშვო ბაღები**

დასრულდა 3 ახალი საბავშვო ბაღის მშენებლობა შემდეგ მისამართებზე:

ბაგრატიონის, ქათამაძისა და დაბა ჩაქვში მეზღვაურთა ქუჩებზე.

საბავშვო ბაღების გამაგრება-ახლის მშენებლობა მიმდინარეობს 8 მისამართზე.

გამაგრებითი სამუშაოები: ანდრონიკაშვილის, ტაბიძის, ვარშანიძის, მელიქიშვილის ქუჩები და თამარ მეფის გამზირი.

ახლის მშენებლობა: ვაჟა-ფშაველას და ნანეიშვილის ქუჩები და აეროპორტის გზატკეცილი.

12 ბაღში კი, ენერგოეფექტურობის ევროპული სტანდარტები დაინერგება.

### **კულტურული მემკვიდრეობის ძეგლების რეაბილიტაცია**

- თამარის ციხე
- აკაკი წერეთლის სახელობის საჯარო ბიბლიოთეკა.

### **საბავშვო ატრაქციონები და სპორტული მოედნები**

სპორტული მოედნებისა და საბავშვო ატრაქციონების მოწყობა-რეაბილიტაცია მიმდინარეობს და დასრულდა 164 მისამართზე.

### **ხიდები და ხიდბოგირები**

ხიდებისა და ხიდბოგირების მოწყობის სამუშაოები დასრულდა და მიმდინარეობს 43 მისამართზე.

### **რეკრეაციული სივრცეები**

რეკრეაციული სივრცეების მოწყობა დასრულდა და მიმდინარეობს 13 მისამართზე.

სკვერების მოწყობა დასრულდა:

აღმაშენებლის #30, 32, 34, მირიან მეფის #13, კაკაბაძისა და ანწუხელიძის ქუჩების კვეთა, გორგილაძის #8, აკაკი წერეთლისა და კოტე აფხაზის ქუჩებზე.

მიმდინარეობს: ბაგრატიონის ქუჩის გზაგამყოფ ზოლზე, ევროპის მოედანზე, თამარ მეფის გზატკეცილის #20-ში, სამების პირველ ჩიხსა და ადლიის ქუჩაზე.

დაირგო 2500 ხე-მცენარე.

გამწვანდა 80 ქუჩა.

განახლდა 20 სკვერი.

სკვერებში, წრიულებსა და გზაგამყოფებში 1 მილიონი სეზონურად მოყვავილე ერთწლოვანი ყვავილი დაირგო.

შეძენილი იქნა 3 ერთეული სპეცტექნიკა.

#### **ამხანაგობების ხელშეწყობის პროგრამა:**

მრავალბინიან კორპუსებში 100-ზე მეტი ახალი ლიფტის მონტაჟი დასრულდა და მიმდინარეობს.

სახურავები მოეწყო და რეაბილიტირდა 90-ამდე მისამართზე.

საცხოვრებელი სახლების სადარბაზოებში 60-ამდე კარის მონტაჟი სრულდება.

## **სატრანსპორტო პოლიტიკა**

2023 წელს სრულად განახლდა ბათუმის მუნიციპალური ავტობუსების პარკი.

შეძენილი იქნა 65 ერთეული ISUZU-ს მარკის 10 მეტრიანი ადაპტირებული ავტობუსი.

ავტობუსებში დაინერგა განმთავანების სისტემა.

დაინერგა მგზავრობის საფასურის ნებისმიერი საბანკო ბარათით გადახდის სისტემა.

დამონტაჟდა დამატებით 85 ერთეული ელექტრო საინფორმაციო ტაბლო.

ავტობუსის გაჩერებებზე დამონტაჟდა 10 ახალი მოსაცდელი.

შეიქმნა მპს „ბათუმის ავტოტრანსპორტის“ ვებგვერდი ([www.batumitransport.ge](http://www.batumitransport.ge)) და პარკირების გადახდის სისტემა, რომელიც უზრუნველყოფს პარკირების საფასურის მარტივად გადახდას.

შეიქმნა მობილური აპლიკაცია, რომელიც ავტობუსის გადაადგილების ნახვისა და მარშრუტის დაგეგმვის საშუალებას იძლევა.

## **ბათუმველო**

მოეწყო დამატებით 8 ახალი ველოტერმინალი და ჯამში 34 ველოტერმინალი ფუნქციონირებს.

„შენი იდეა ბათუმს“ პროექტის ფარგლებში 11 ლოკაციაზე დამონტაჟდა ველოპარკირება კერძო ველოსიპედებისათვის, ხოლო 5 ლოკაციაზე დამონტაჟდა ველოსიპედის სარემონტო ტერმინალი.

დღეისათვის ექსპლუატაციაშია 160 მუნიციპალური ველოსიპედი.

## **მუნიციპალური სერვისები**

მუნიციპალური სერვისების სააგენტოს მიერ განხორციელდა:

ქვაფენილიანი ქუჩების რეაბილიტაცია - 11700 მ<sup>2</sup>.

დაზიანებული ბორდიურების რეაბილიტაცია-მოწყობა - 580 გრძ.მ

დაზიანებული ტროტუარის ფილების რეაბილიტაცია - 6750 მ<sup>2</sup>

დაზიანებული ბოძკინტის რეაბილიტაცია და ახლის მონტაჟი - 745 ერთეული

არაასფალტირებული ქუჩების მოხრეშვა-მოშანდაკება - 35915 მ<sup>2</sup>

ახალი გზაგამყოფი დეკორატიული ღობეების მონტაჟი-რეაბილიტაცია - 784 ერთეული.

რეაბილიტირდა 901 ერთეული საბაღე სკამი

რეაბილიტირდა 258 ერთეული ფანჩატური

161 მისამართზე განხორციელდა წყალსაწრეტი მილებისა და წყალშემკრები ღარების შეკეთება-აღდგენა.

## **დასუფთავება**

2023 წელს შეძენილია 2100 ერთეული ნაგავშემკრები კონტეინერი.

ქალაქის მასშტაბით განთავსდა 55 ერთეული სეპარირების ურნა.

შეძენილია 7 ერთეული სპეცტექნიკა და დანადგარი.

დასუფთავების სამსახურის თანამშრომლებისთვის სრულად განახლდა სპეცფორმა.

## მუნიციპალური ინსპექცია

სამშენებლო და უსაფრთხოების საჯარო ზედამხედველობის სამსახურის მიერ გამოვლინდა სამშენებლო სამართალდარღვევის 655 ფაქტი.

გამოცემულია 157 საადსრულებლო ფურცელი.

ექსპლუატაციაში მიღების მოთხოვნით შემოვიდა 78 განაცხადი.

ადიკვეთა საზოგადოებრივი სივრცის უკანონო შეზღუდვის 1643 ფაქტი.

პარკირებისა და ტრანსპორტის ზედამხედველობის სამსახურის მიერ გამოვლინდა 52027 სამართალდარღვევა.

ადმინისტრაციული ზედამხედველობის სამსახურის მიერ გამოვლინდა 262 სამართალდარღვევის ფაქტი.

356 მიტოვებული ავტომობილი და უნებართვო კონსტრუქცია გატანილ იქნა ქალაქის ტერიტორიიდან.

180 ობიექტი ბიოდეგრადირებად პარკებთან დაკავშირებით გაფრთხილდა.

80-ამდე ობიექტზე გამოთავისუფლებული იქნა უკანონოდ მითვისებული სახელმწიფო ტერიტორია.

სანიტარიული ნორმის დაცვის მიზნით მიმდინარე წელს გადამოწმდა შემდეგი ობიექტები:

91 სტომატოლოგიური დაწესებულება

36 სილამაზის სალონი

124 სასტუმრო კომპლექსი

24 საცურაო აუზი და სპა

29 კერძო და 32 საჯარო საბავშვო ბაღი

26 საჯარო და 15 კერძო სკოლა

6 მუნიციპალური სასადილო.

შეიქმნა ახალი ვებგვერდი [www.inspection.batumi.gov.ge](http://www.inspection.batumi.gov.ge) რომელს  
სამუალებითაც ხდება მუნიციპალური ჯარიმების გადახდა და, საჭიროების  
შემთხვევაში, მისი გამოქვეყნება.

## **განათლება, კულტურა, სპორტი და ახალგაზრდობა**

ბათუმის მერიის განათლების, კულტურის, სპორტისა და ახალგაზრდობის  
სამსახურმა 2023 წელს 30 პროგრამა და ქვეპროგრამა განახორციელა.

ლუკა ასათიანის სახელობის სტიპენდია 100-მა სტუდენტმა მიიღო.

ტბელ აბუსერიძის სახელობის სტიპენდია კი - 18-მა სტუდენტმა.

„ახალგაზრდების უცხოეთში სტაჟირების ხელშეწყობის“ ფარგლებში  
დაფინანსდა 8 სტუდენტი.

„კულტურის სფეროში თავისუფალი ინიციატივების მხარდაჭერის“  
ფარგლებში დაფინანსდა და გახორციელდა 15 ინიციატივა.

„ხელოვანთა ხელშეწყობის“ ფარგლებში დაფინანსდა 6 ხელოვანის  
მონაწილეობა საერთაშორისო ღონისძიებებში.

„საერთაშორისო ფესტივალების მხარდაჭერის ფარგლებში“ ჩატარდა 11  
ფესტივალი.

საერთაშორისო ტურნირებზე 6 ბათუმელი სპორტსმენის მონაწილეობა  
დაფინანსდა.

ბათუმის კულტურის ცენტრის მიერ განხორციელდა 117 ღონისძიება.

ხელბურთის კლუბი ბათუმი - „შავი ზღვის ბიჭები“ საქართველოს ჩემპიონი  
და საქართველოს თასის მფლობელია.

ბათუმელმა მოციგურავეებმა გაერთიანებული ემირატების დედაქალაქ აბუ-დაბიში, საერთაშორისო ტურნირზე ფიგურულ ციგურაობაში გამარჯვება მოიპოვეს.

ფრენბურთის კლუბ „ბათუმის“ ქალთა და მამაკაცთა გუნდებმა საქართველოს ჩემპიონატში მეორე ადგილი დაიკავეს.

რაგბის კლუბი „ბათუმი“ დიდი 10-ის ვიცე-ჩემპიონი გახდა.

დინამო ბათუმი საქართველოს ჩემპიონი გახდა.

ბათუმის სპორტული ცენტრის ქალთა გუნდი „ბათუმი“ და ბათუმის ვაჟთა გუნდი „პორტუსი“ ქვიშის ფენბურთში საქართველოს ჩემპიონები გახდნენ.

ბათუმელი მოჭადრაკე კესარია მგელაძე ევროპის ჩემპიონი გახდა, ხოლო მარიამ ცეცხლაძემ ვიცე-ჩემპიონის ტიტული მოიპოვა.

ბათუმის სპორტული ცენტრის წყალბურთის გუნდი ბულგარეთში გამართულ საერთაშორისო ტურნირზე - „BURGAS CUP 2023“ ბრინჯაოს თასის მფლობელი გახდა.

ბათუმმა ევრო 2023-ის ფინალურ მატჩს უმასპინძლა.

ბათუმის სტადიონმა მაიამიში, FIABCI-ს ოსკარად წოდებულ უძრავი ქონების მსოფლიო დაჯილდოებაზე საჯარო ინფრასტრუქტურის საერთაშორისო ჯილდო მოიპოვა.



სპორტული ცენტრის ქალთა ფეხბურთის გუნდმა 2023 წელს პირველი ადგილი მოიპოვა ფუტსალის ლიგაზე - „ზამთრის თასი 2023“ და მოიპოვა ოქროს თასი საპლაჟო ფეხბურთში.

ქვიშის ჭიდაობაში მსოფლიო სერიის მეორე ეტაპზე ოქროს მფლობელი გახდა მამუკა კორძია.

7 ოქროს, 5 ვერცხლისა და 5 ბრინჯაოს მედალი მოიპოვეს სპორტული ცენტრის ნიჩბოსნებმა სეზონზე ჩატარებულ ღონისძიებებში.

## **ბათუმის ბოტანიკური ბაღი**

ბათუმის ბოტანიკური ბაღი World Travel Awards-ის პრესტიჟული ჯილდოს მფლობელი გახდა და ევროპის წამყვანი ბოტანიკური ბაღის ნომინაციაში გაიმარჯვა.

ვიზიტორთა რაოდენობა გასულ წლებთან შედარებით გაზრდილია 20%-ით.

ბაღის ტერიტორიაზე რეაბილიტირდა ორი სკვერი.

დამატებით შექმნილია 3 ერთეული ელექტროავტობუსი, რომელთაგან ერთი განკუთვნილია სპეციალური საჭიროების მქონე პირთათვის.


ბაღის ტერიტორიაზე მოეწყო ზიპლაინი, რომლის სიგრძე 500 მეტრია. ზიპლაინი საუცხოო სილამაზეს სთავაზობს ვიზიტორებს და თავისუფალ დაშვებას ახდენს ზღვისა და მთის ხედზე.


## მოსახლეობასთან კომუნიკაცია

### მოსახლეობასთან კომუნიკაცია ხორციელდება სამ ფორმატში

- მერიის ადმინისტრაციაში
- სერვისცენტრებში
- ღია და ინდივიდუალური შეხვედრები

წლის განმავლობაში 3275 მოქალაქესთან გაიმართა შეხვედრა





### ჯანდაცვა და სოციალური მომსახურება

ბათუმის მერიის ჯანმრთელობისა და სოციალური დაცვის სამსახურმა 2023 წელს 29 მასშტაბური პროგრამა და ქვეპროგრამა განახორციელა

პროგრამებით 53 ათასმა ბენეფიციარმა ისარგებლა

ჯანმრთელობისა და სოციალური დაცვის სამსახურის ბიუჯეტი 2023 წელს 2 მილიონი ლარით

გაიზარდა და შეადგენს 25 მილიონ 908 ათას ლარს

2023 წელს დამატებით 7 ახალი ღონისძიება ამოქმედდა:

- შაქრიანი დიაბეტის მეორე ტიპით დაავადებულ პაციენტთა მედიკამენტებით უზრუნველყოფა
- საჯარო სკოლების სპეციალური საგანმანათლებლო საჭიროების მქონე მოსწავლეებისათვის ტრანსპორტით უზრუნველყოფის სუბსიდირება
- რეინტეგრირებული ოჯახებისათვის (საჭიროებიდან გამომდინარე) ბინის ქირით უზრუნველყოფა 300 ლარის ოდენობით
- ყოველთვიური დახმარება მარტოხელა მშობლებისთვის, რომლის არასრულწლოვანი შვილის მეორე მშობელი გარდაცვლილი ან უგზო-უკვლოდ დაკარგულია.
- მაღალტექნოლოგიური ამბულატორიული კვლევების დაფინანსება
- გეგმური ოპერაციული მკურნალობის დაფინანსება
- ანგიოგრაფიის დაფინანსება.